



Fegl d'infurmaziun

Contribuziuns ad organisaziuns d'utilitad publica

L'Uffizi da sanadad po vegnir dumandà da conceder sustegn finanziel. Sustegnidas vegnan en quest connex organisaziuns d'utilitad publica che rinforzan la promoziun da la sanadad e la prevenziun u l'agid a persunas attempadas en il chantun Grischun e che sa cunfan cun la strategia dals fatgs chantunals da sanadad.

Basas legalas

A norma dals meds financials che stattan a disposiziun po il chantun conceder contribuziuns ad organisaziuns per prestaziuns impurtantas en la promoziun da la sanadad ed en la prevenziun (DG 500.000, art. 7 al. 2c) e per la promoziun da l'agid a persunas attempadas (DG 506.000 art. 2 ed art. 36).

Criteria per conceder contribuziuns

Da princip ha mintga organizaziun d'utilitad publica il dretg e la pussaivladad da drizzar ina dumonda a l'Uffizi da sanadad dal Grischun. I n'exista però nagin dretg sin contribuziuns.

La calculaziun da las contribuziuns vegn fatga sin basa da l'evaluaziun d'ina dumonda correspundenta. Las dumondas da contribuziun ston vegnir inoltradas a la partiziun Promoziun da la sanadad e prevenziun da l'Uffizi da sanadad.

Criteria da validaziun

Il dretg da survegnir contribuziuns han las organisaziuns, da las qualas ils servetschs sa cunfan cun la strategia dal chantun e che adempleschan ils criteris da giudicament enumerads qua sutvart.

- La dumonda correspunda a l'intent da las basas legalas.
- La relaziun cun la strategia chantunala dals fatgs chantunals da sanadad è cumprovada.
- Ils servetschs pon vegnir attribuids ad in dals suandantas secturs tematics:
 - Ils servetschs servan a rinforzar la cumpetenzza en chaussas da la sanadad d'ina gruppa en mira, per che quella possa dumagnar cun success las sfidas da la vita che resultan da la vegliadetgna (p.ex. en furma da purschidas da cussegliaziun e da sustegn u en furma d'ina diagnosa tempriva).
 - Il servetsch guida a concepir in tschert setting sco mund da viver saun, en il qual tut ils acturs èn participads activamain ad ina convivenza cuminaivla positiva.
 - Ils servetschs prestan ina contribuziun a l'agid a persunas attempadas.

- Ils servetschs èn efficazis, adequats ed economics.
- Las finamiras èn formuladas tenor SMART (SMART = specific, mesirabel, ambizius, realisabel, terminà). I vegn prescrit, tenor tge indicaturs ch'i vegn mesirà, sche las finamiras èn cuntanschidas, ed a partir da tge standard minimal che la finamira vala sco cuntanschida.
- La tschernha dal setting, da la(s) gruppa(s) en mira ed eventualmain dals multiplicaturs è motivada plausiblmain en quai che concerna ils effects intenziunads.
- La collavuraziun cun auters acturs e l'utilisaziun da sinergias èn cumprovadas.
- Dals servetschs poi vegnir profità en moda surregionala / en tut il chantun.
- I vegn mussà en moda chapavla, co ch'ils servetschs vegnan documentads ed evaluads.
- Tut las resursas ch'èn necessarias per la planisaziun, per la realisaziun e per l'evaluaziun èn budgetadas en moda chapavla ed ina planisaziun da las finanzas è avant maun.

Cundiziuns formalas

La dumonda sto vegnir inoltrada cun las agiuntas correspondentas:

- 1) dumonda da contribuziun
- 2) concept
- 3) preventiv

fin il pli tard ils **30 d'avrigl u ils 30 da settember** da l'onn correspondent a l'Uffizi da sanadad dal Grischun, partiziun Promoziun da la sanadad e prevenziun.

Cun ina resposta en scrit poi vegnir fatg quint entaifer 2 mais sunter ch'ils termins d'inoltraziun èn scadids. Retroactivamain n'èsi betg pussaivel da survegnir in agid finanziel.

sumeigliants. Organisaziuns per lavur d'utilitad publica vegnan en general manadas sco uniun (inscritta), sco fundaziun u sco societad d'utilitad publica cun responsabladad limitada (ScRL).